

# Gvangjsih Minzcuz Bau

Cawiguenj: Gvangsijh Bouxcuengh Swcigih Minzcuz Cunghvau Swvu Veijvenzei

Cawjbanh: Gvangsijh Minzcuz Bause

Geiz neix 8 bani

广西民族报 Aenhauh okbanj: CN45-0036 B.2025 Nd.12 Ng.31 Liggaeuq ietceih nienz ndwenit cibngeih Geizsoq: Gungh daih 3700 geiz

## Aen Langhbaij Cwngzgoj Maenhndei Yinzgungh Cinwngz Gvangsijh Nem Hoih Doxgyau Ciuhai

12 nyied 26 hauh, Aen Langhbaij Cwngzgoj Maenhndei Yinzgungh Cinwngz Gvangsijh Nem Hoih Doxgyau Bi 2025 youq Nanzningz hai, haeujlaeg doekguh gij cingsaenz Seiqcungh Cienzhohi Gaiq Ngeihcib Dangj, nyinhcaen doekguh gij lwnh-gangj youqgaenj mizgven yinzgungh cinwngz caeuq mizgven lwnhgangj hong Gvangsijh Siz Ginbingz cungj-suhgi, cungjgez doxgyau diuzroen saedguh caeuq vunqsik cauhoq yinzgungh cinwngz hawjrenz hangznieb hwngfat, yenzgiu anbaiz hong yamqlaeng. Swcigih Dangjveij suhgi, Swcigih Yinzda Cangzveijvei cujyin Cinz Gangh camgya hai hoih caemhcaiq gangjvah. Swcigih cujsiz Veiz Dauh cujiz aenhoih.

Cinz Gangh haengjdingh gij cingzciik gih raeuz yinzgungh cinwngz hwngfat aeundaej de. De naeuz, bineix gyaecujbi, Gvangsijh dwen ok "seizdaih yinzgungh cinwngz, Gvangsijh mbouj ndaej giepnioix, mbouj ndaej

doeklaeng", dawzmaenh miz mbangj guh, miz mbangj mbouj guh, youq daengx guek gak swngj (gih, si) daiqdaez daengj hwnj fangeiz hung caeuq Dunghmungz doxgap guh yinzgungh cinwngz, yungh ndei gijndei onjyamq bae guh, dox boiqhab cauhaeb diuzroen hwngfat "Bwz Sang Gvangj yenzfaz+Gvangsijh comzbaenz+Dunghmungz wngqyungh", guhbaenz Gaiq Daih 22 Dunghbozvei, Funghvei aen cawjdaez dwg yinzgungh cinwngz, lai doinyoengx yinzgungh cinwngz hawjrenz cien hangz bak nieb, aeundaej cingzciik lailanglang.

Cinz Gangh daegbied gangj daengz, daengx gih gak gaep lingjdauj ganbu aeu ndwn engq sang caeuq yawj engq gyaec, gamj guh gonq, aeu aen cingsaenz "fanh bi nanz lai, dan ceng haethaemh" bae guh ndei gak loh hong baugvat yinzgungh cinwngz, hingz ndaej aen seizgei hwngfat coglaeng. Aeu laeb aen cwngci' gvanh cinjdeng, dawzmaenh saedsaeh gouz

dwg, gouzcaen guhsaed, giengiet gimq youq aen gvaengx yinzgungh cinwngz sajbaizciengz guen, cang guh yiengh ndwi. Aeu gyaek ndang rengz, gyaek hag dungxcaiz aen gvaengx yinzgungh cinwngz, gyaek lohnaemj daejsiengq, aeu ancienz baujcaeng ronzgvaq goekbyai yinzgungh cinwngz hwngfat bae, baengh yinzgungh cinwngz guhlaeg caeuq Dunghmungz doxgap, haenqrenz haicauh aen buenz moq gih raeuz yinzgungh cinwngz hwngfat.

Veiz Dauh daegbied gangj daengz, daengx gih gak gaep gak bouhmonz aeu ciuq Swcigih Dangjveij guhhong iugouz, gyavaiq hwnqguh Cungguk—Dunghmungz Guekgya Yinzgungh Cinwngz Wngqyungh Doxgap Cunghsinh, baijbouh hwnqguh yinzgungh cinwngz giekdaj sezsih, haeujlaeg guh aen hengzdoengh "yinzgungh cinwngz", gyavaiq gungganq engqlai yezdai moq vunqsik moq ciengzgingi moq. Aeu ca ndei hwnqguh baijbouh sonliz vangjloz,

gyavaiq haifat yungh gungghung soqgawq swhyenz, guhcaez soqgawq ancienz ceihleix, cukmaenh sonliz soqgawq "songdaejnaengh". Aeu dawzmaenh baengh yungh daeuj yinx, hopheux heiqci, gihgai, guh dangz, gimsug mizsaek caeuq najcoh Dunghmungz hailangh doxgap doenghgi dieg neix, gyalai vatcimh, fukcauh doigvangq dieg yungh, doinyoengx AI caeuq canjniieb doxyungh laegdaeuq. Aeu yungh ndei gij ngaenzgoek canjniieb yinzgungh cinwngz, gyalai yinx daeuj caeuq gungganq aen giyez ngamq cau, aen giyez lienhcawj caeuq vunzcaiz lingxdaez, guhcaez aen gihci hamj bouhmonz, hamj gizdieg dox boiqhab, comz gij rengz doxgap baenaj, hawj canjniieb hwngfat miz dungxcaiz haeujcoengh caeuq dinfwngz dingcengj.

(daj «Gvangsijh Yizbau» aeu daeuj genj hoiz Loz Canghlieng Cinz Yizcwz Cungh Siujgij)

## Sanhgyangh: Baij Yiengh Byaij Daiz T Coux Bimoq

12 nyied 27 hauh, Sanhgyangh Dungcuz Swciyen Liengzougj Yangh youq diegdangz laeuzyong Sanhgyangh yienhsingz guh yienghsaeh baij yiengh byaij daiz T, langhbaij ndangdaenj, langhbaij feihyiz, yienjheiq, cigboq gai huq doenghgi saeh neix, baij ok Heiqdung, gobizbaz Dungcuz, gaiqsuq Dungcuz doenghgi doxgaiq neix, langhbaij gij goekdaj vwnzva naekna caeuq yienghmoq guhhoengh lajmbanj hoenghvuengh aen yangh neix, yienj ciengz heiq dajndaem caeuq minzcuz fungeingz doxgyau ndeu hawj vunzlai yawj, angqcoux bimoq daeuj daengz. Ndaw doz gyoengqvunz cingq langhbaij hongdawz.

(Gungh Bujangh Moz Gyanghczenz Cinz Yenmung)



## Gvangsijh Youh Gya 6 Aen Mingzben Swnghdai Gaep Guekgya

Mboengqneix, bi 2025 swnghdai vwnzmingz lundanz youq Baekging guh, ndawde hawj baij aen gih guhyiengh hwnqguh swnghdai vwnz-mingz caeuq aen gihdi cauhoq saedguh "raemx saw bya heu couhdwg byagim bya-ngaenz" daengx guek ngamq ndaej de, Gvangsijh 6 dieg miznaj hwnj buengi, ndawde Liujcouh Si Cwngzcungh Gih, Bwzhaij Si Haijcwngz Gih, Hozciz Si Dava Yauzcuz Swciyen ndaej ancoh aen gih guhyiengh hwnqguh swnghdai vwnzmingz, Nanzningz Si Sanglinz Yen, Gveilinz Si Yangzsoz

Yen, Bwzhaij Si Veizcouhdauj Lijyouzgi ndaej aen cwngheuh gihdi cauhoq saedguh "raemx saw bya heu couhdwg byagim bya-ngaenz".

Cauhlaeb guhyiengh swnghdai vwnzmingz dwg gaiq youqgaenj saedhengz aen swhsiengj swnghdai vwnzmingz Siz Ginbingz, hix dwg gij hong gvanhgen doihaeuj hwnqguh aen Cungguk gyaecunde. Daj bi 2017 Swnghdai Vanzgingbu hainduj mizgven hong cauhaeb doxdaeuj, Gvangsijh itloh youq gwngz roen hwngfat saekheu onjyamq baenaj. Miz

Swcigih Dangjveij, Cwngfuj dawz cinj, daengx gih swnghdai vanzging hidungj laebmaenh aen leixniemh "song bya", doinyoengx ginghci sevei hwngfat cienziemh saekheu cienjhingz, cauhaeb guhyiengh swnghdai cingzciik yienhda. Daengz seizneix, Gvangsijh gaengq miz 22 aen gih guhyiengh hwnqguh swnghdai vwnzmingz gaep guekgya, 9 aen gihdi cauhoq saedguh "raemx saw bya heu couhdwg byagim bya' ngaenz", buek hwngfat saekheu baenaj okhingz ndeu laebdaeb yienh okdaeuj, hawj aen ciubaiz gim Gvangsijh "bya heu raemx

saw swnghdai gyaec" ngoenz rongh gvaq ngoenz, dwk rengz hung' ak hawj aen Gvangsijh gyaecunde hwnqguh vunz caeuq swhyienz huzndei caemhyouq.

Linghvaih, lundanz yienhciengz naeuz bi 2026 swnghdai vwnzmingz lundanz yaek youq Gvangsijh Gveilinz Si guh. Neix yaek dap aen bingzdaiz langhbaij engq sang, guengq haeuj rengzhoengh hwngfat moq hawj Gvangsijh hwnqguh swnghdai vwnzmingz.

(Yiz Fungh Du Yangz Veiz Sangangh)